



ივლისი, 2021 წ.

ყოველთვიური ეკონომიკური მიმოხილვა*



თვის მნიშვნელოვანი მაჩვენებლები

- ივნისში, სტატისტიკის ეროვნული სამსახურის წინასწარი შეფასებით, წინა წლის შესაბამის პერიოდთან შედარებით, რეალური მთლიანი შიდა პროდუქტის ზრდის ტემპმა 18.7% შეადგინა
- ივლისში წლიური ინფლაცია 11.9%-ს გაუტოლდა
- ივლისში წინა თვესთან შედარებით, ლარის გაცვლითი კურსი აშშ დოლართან მიმართებით 1.0%-ით, ხოლო ევროს მიმართ 3.0%-ით გამყარების ტენდენციას ავლენს.

მაკროეკონომიკური ანალიზისა და საგადასახადო პოლიტიკის განყოფილება

ელ-ფოსტა: pbo@parliament.ge

*სტატისტიკური ინფორმაციის გამომყვანების კალენდრის მიხედვით ზოგიერთი მონაცემი წარმოადგენს წინა თვის ცვლადს




პარლამენტის საბიუჯეტო ოფისი, 2021 წ.

1. რეალური და ფისკალური სექტორი

ივნისში დადებითი ეკონომიკური ზრდა 18.7%-ის ნიშნულზე დაფიქსირდა.


წინა წლის შესაბამის პერიოდთან შედარებით, 2021 წლის ივნისში, სტატისტიკის ეროვნული სამსახურის წინასწარი შეფასებით, რეალური მთლიანი შიდა პროდუქტის ზრდის ტემპმა 18.7% შეადგინა.

პარლამენტის საბიუჯეტო ოფისის შეფასებით, 2021 წლის ივნისში, წინა თვესთან შედარებით, რეალური მშპ-ის ზრდის ანუალიზებული ტემპი¹ 22.2% შეადგინა.




ივლისში სამომხმარებლო ფასების წლიური ინფლაცია 11.9%-ს შეადგენს.

წინა წლის ივლისთან მიმართებით, 2021 წლის ივლისში ინფლაციის დონე 11.9%-ით განისაზღვრა, ანუ მიზნობრივი ინფლაციის 3%-იან მაჩვენებელზე მეტი. წლიური ინფლაციის ფორმირებაზე ძირითადი გავლენა იქონია ფასების დინამიკამ სურსათსა და უალკოჰოლო სასმელებზე, ტრანსპორტზე, საცხოვრებელზე, წყალზე, ელ.ენერჯიაზე, აირზე და ჯანმრთელობის დაცვაზე. 2021 წლის ივნისში მშპ-ის წლიურმა საპროგნოზო დეფლატორმა 8.7% შეადგინა.



ივნისში ნაერთი ბიუჯეტის უარყოფითი მთლიანი სალდო დაფიქსირდა.

2021 წლის ივნისში წინა წლის ანალოგიურ პერიოდთან შედარებით, ნაერთი ბიუჯეტის შემოსავლები 42.7%-ით გაიზარდა ხოლო ხარჯები 18.0%-ით გაიზარდა. აღნიშნულ პერიოდში ნაერთი ბიუჯეტის დადებითი საოპერაციო სალდო (მთავრობის დანახოვები) 210 მლნ ლარით, ხოლო უარყოფითი მთლიანი სალდო 167 მლნ ლარით განისაზღვრა.




¹ წინა თვესთან შედარებით ანუალიზებული რეალური მშპ-ის ზრდის ტემპი რეალური მშპ-ის მონაცემების საფუძველზე სეზონურობისა და შემთხვევითი რყევების ამორიცხვით დგინდება და წარმოადგენს შესწორებული ტრენდის განლიურებულ მაჩვენებელს.

ივნისში, გასული წლის ანალოგიურ პერიოდთან შედარებით, ეროვნულ ეკონომიკაზე როგორც ლარში, ისე უცხოურ ვალუტაში გაცემული სესხები არსებითი ზრდის ტენდენციას ავლენს.

წინა წლის ივნისთან მიმართებით, 2021 წლის ივნისში კომერციული ბანკების მიერ გაცემულმა სესხებმა 16.4%-ით მოიმატა და 38.4 მლრდ ლარი შეადგინა. მათ შორის, ლარში გაცემული სესხები 27.8%-ით, ხოლო უცხოურ ვალუტაში გაცემული სესხები 7.6%-ით გაიზარდა.

ეროვნულ ეკონომიკაზე გაცემული სესხები




2. საგარეო სექტორის ინდიკატორები

იანვარ-ივნისში, წინა წლის იმავე პერიოდებთან შედარებით, გაიზარდა როგორც საქონლის ექსპორტი, ასევე იმპორტი.

წინა წლის იანვარ-ივნისთან შედარებით, 2021 წლის იანვარ-ივნისში ექსპორტი 25.2%-ით გაიზარდა, ხოლო იმპორტი 18.9%-ით, რაც ძირითადად სავაჭრო ბრუნვის გაზრდით არის გამოწვეული. ამ პერიოდში ექსპორტის წილი საგარეო სავაჭრო ბრუნვაში 30.4%-ით განისაზღვრა. ექსპორტის მნიშვნელოვანი ზრდა აღინიშნა აშშ-ში (79%-ით), უკრაინაში (65%-ით), თურქეთში (61%-ით), ჩინეთში (41%-ით) და რუსეთში (40%-ით). ამ პერიოდში მნიშვნელოვნად შემცირდა ექსპორტი შვეიცარიაში (26%-ით), ბულგარეთში (24%-ით) და ესპანეთში (18%-ით).


საგარეო ვაჭრობის მაჩვენებლები იანვარ-ივნისი



ივნისში ფულადი გზავნილები გაიზარდა.

წინა წლის შესაბამის პერიოდთან შედარებით, 2021 წლის ივნისში ფულადი გზავნილები 19.3%-ით გაიზარდა. გზავნილების ძირითად წყაროს ევროკავშირის ქვეყნები (გზავნილების მთლიანი ოდენობის 40%), რუსეთი (19.4%) და აშშ (12.4%) წარმოადგენენ. საანალიზო პერიოდში გზავნილების მოცულობამ მნიშვნელოვნად მოიმატა შემდეგი ქვეყნებიდან: ყაზახეთიდან (193%-ით), აზერბაიჯანიდან (50%-ით), გერმანიიდან (48%-ით), აშშ-დან (25%-ით), უკრაინიდან (24%-ით), რუსეთიდან (20%-ით) და იტალიიდან (18%-ით).


ფულადი გზავნილები იანვარ-ივნისი



2021 წლის ივლისში საერთაშორისო რეზერვებმა 3,873 მლნ აშშ დოლარი შეადგინა.

2021 წლის ივლისში საერთაშორისო რეზერვების მოცულობამ 3,873 მლნ აშშ დოლარი შეადგინა და 2020 წლის შესაბამისი პერიოდის მაჩვენებელთან შედარებით 0.8%-ით გაიზარდა, ხოლო წინა თვესთან მიმართებით კი - 1.2%-ით შემცირდა. 2021 წლის ივლისში ეროვნულ ბანკს სავალუტო ინტერვენციებით ოპერაციები არ განუხორციელებია.

მთლიანი საერთაშორისო რეზერვები




3. მონეტარული სექტორის ინდიკატორები

ივნისში, წინა წლის შესაბამის პერიოდთან შედარებით, სარეზერვო ფულის მასის ზრდის ტრენდი შენარჩუნდა.

წინა წლის ანალოგიურ პერიოდთან შედარებით, 2021 წლის ივნისში სარეზერვო ფულის მასა 10.4%-ით გაიზარდა. ფულის M2 აგრეგატმა 17.2%-ით მოიმატა, ხოლო M3 აგრეგატის ზრდის ტემპი 18.8%-ს გაუტოლდა. ივნისში წინა წლის შესაბამის პერიოდთან მიმართებით, სამომხმარებლო ფასების ინფლაციამ 9.9% შეადგინა.


ფულის მასა და სამომხმარებლო ფასები %-ლი ცვლილება



ივნისში, წინა თვესთან შედარებით, შემცირდა როგორც დეპოზიტებზე ასევე სესხებზე დოლარიზაციის მაჩვენებელი.


2021 წლის ივნისში დეპოზიტების დოლარიზაციის მაჩვენებელი 1.19%-ული პუნქტით შემცირდა და 60.9%-ით განისაზღვრა, სესხებზე დოლარიზაციის მაჩვენებელი კი 1.55%-ული პუნქტით შემცირდა და 52.6% შეადგინა. წინა თვესთან მიმართებით, 2021 წლის ივნისში ეროვნული ვალუტით განთავსებული დეპოზიტები 1.5%-ით გაიზარდა, ხოლო უცხოური ვალუტით განთავსებული დეპოზიტების მოცულობა კი 3.5%-ით შემცირდა.

დეპოზიტები და დოლარიზაციის კოეფიციენტი




ივნისში, წინა თვესთან მიმართებით, საპროცენტო განაკვეთი დეპოზიტებზე 0.03%-ული პუნქტით, ხოლო სესხებზე 0.2%-ული პუნქტით გაიზარდა.

2021 წლის ივნისში საბაზრო საპროცენტო განაკვეთმა სესხებზე 12.0% შეადგინა, ხოლო დეპოზიტებზე 7.1%-ით განისაზღვრა. საპროცენტო განაკვეთის სპრედმა (სხვაობა სესხებსა და დეპოზიტებზე საპროცენტო განაკვეთებს შორის) 2021 წლის ივნისის მდგომარეობით 4.9% შეადგინა, 0.1%-ული პუნქტით ნაკლები წინა წლის ივნისთან შედარებით.



ივლისში, წინა თვესთან მიმართებით, ლარის კურსი როგორც აშშ დოლარის, ასევე ევროს მიმართ გამყარების ტენდენციას ავლენს.


2021 წლის ივლისში, წინა თვესთან შედარებით, ლარის გაცვლითი კურსი აშშ დოლარის მიმართ 1.0%-ით გამყარდა, ხოლო ევროს მიმართ - 3.0%-ით. ამავდროულად პერიოდში გამოჩნდა ნომინალური ეფექტური გაცვლითი კურსი. რაც შეეხება შედარებას გასული წლის ანალოგიურ პერიოდთან მიმართებით, 2021 წლის ივლისში ლარის გაცვლითი კურსი აშშ დოლარის მიმართ 2.1%-ით, ევროს მიმართ კი 5.4%-ით გაუფასურდა.



4. რეგიონული მიმოხილვა


ივლისში, რეგიონის ქვეყნებში, გარდა თურქეთისა სამომხმარებლო ფასების ინფლაცია დაახლოებით ერთნაირი დინამიკით ხასიათდება.

კერძოდ, 2021 წლის ივლისში თურქეთში წლიურმა ინფლაციამ 19.0% შეადგინა. შედარებით დაბალი იყო ინფლაციის დონე რუსეთში (6.5%) და სომხეთში (8.2%). რაც შეეხება აზერბაიჯანს*, 2021 წლის ივნისის მდგომარეობით, სამომხმარებლო ფასებმა წინა წლის ანალოგიურ პერიოდთან შედარებით 4.7%-ით მოიმატა.



ივლისში, რეგიონის ქვეყნების ვალუტების გაცვლითი კურსები, აშშ დოლართან მიმართებაში გაუფასურების ტენდენციას ავლენს, თუმცა განსხვავებული მასშტაბით.

კერძოდ, 2021 წლის ივლისში, წინა წლის შესაბამის პერიოდთან შედარებით, აშშ დოლართან მიმართებაში გაუფასურდა თურქული ლირა (20.2%-ით), რუსული რუბლი (3.3%-ით), სომხური დრამი (1.4%-ით), ხოლო აზერბაიჯანული მანათი უმნიშვნელოდ (0.1%-ით).



შემაჯამებელი ცხრილი²



ზრდა



კლება



ცვლილება < 1%

		ივლ 20	აგვ 20	სექტ 20	ოქტ 20	ნოემბ 20	დეკ 20	იანვ 21	თებ 21	მარ 21	აპრ 21	მაისი 21	ივნ 21	ივლ 21
რეალური სექტორი	მშპ-ს ზრდის ტემპი													
	დღგ-ს ბრუნვების ზრდის ტემპი													
მონეტარული სექტორი	ინფლაცია													
	მონეტარული პოლიტიკის განაკვეთი													
	დეპოზიტების დოლარიზაცია													
	სესხების დოლარიზაცია													
საგარეო სექტორი	გაცვლითი კურსი													
	გზავნილები													
	ექსპორტი													
	იმპორტი													
	სავაჭრო ბალანსი													
	საერთაშორისო რეზერვები													
ფისკალური სექტორი	შემოსავლები													
	მიმდინარე ხარჯები													
	კაპიტალური ხარჯები													

*ცხრილში წარმოდგენილი მონაცემები შედარებულია გასული წლის შესაბამისი თვის ანალოგიურ მონაცემებთან

		ივლ 20	აგვ 20	სექტ 20	ოქტ 20	ნოემბ 20	დეკ 20	იანვ 21	თებ 21	მარ 21	აპრ 21	მაისი 21	ივნ 21	ივლ 21
რეალური სექტორი	მშპ-ს ზრდის ტემპი													
	დღგ-ს ბრუნვების ზრდის ტემპი													
მონეტარული სექტორი	ინფლაცია													
	მონეტარული პოლიტიკის განაკვეთი													
	დეპოზიტების დოლარიზაცია													
	სესხების დოლარიზაცია													
საგარეო სექტორი	გაცვლითი კურსი													
	გზავნილები													
	ექსპორტი													
	იმპორტი													
	სავაჭრო ბალანსი													
	საერთაშორისო რეზერვები													
ფისკალური სექტორი	შემოსავლები													
	მიმდინარე ხარჯები													
	კაპიტალური ხარჯები													

**ცხრილში წარმოდგენილი მონაცემები შედარებულია წინა თვის ანალოგიურ მონაცემებთან

² გაცვლითი კურსის ზრდა ნიშნავს გაუფასურებას, კლება გამყარებას.